



**UNIT KOMUNIKASI KORPORAT JABATAN
PERIKANAN MALAYSIA
BERITA PERIKANAN HARI INI**

**09 Oktober 2024
06 Rabiulakhir 1446H**

Utusan Malaysia	• Unjam tingkat tangkapan ikan di Port Dickson
Berita Harian	• Baung ekor merah, Aligator Gar disita Jabatan Perikanan
Harian Metro	• DOF negeri sita 49 ikan larangan • Port Dickson penyumbang utama perikanan negeri
Kosmo !	•
Sinar Harian	• 'Ada yang lepaskan alligator gar ke Sungai Klang'
The Star	•
New Straits Time	•
Nanyang Siang Pau	•
Malaysia Gazette	•
The Sun	•
Malaysiakini	•
Bernama	•
Borneo Post (KK)	•
Guan Ming Daily	•
Sabah Media	•

JENIS AKHBAR

UTUSAN MALAYSIA		KOSMO !		THE STAR		NANYANG SIANG PAU		MUKA SURAT	TARIKH
BERITA HARIAN		SINAR HARIAN	/	THE SUN		ORIENTAL DAILY			
HARIAN METRO		NEW STRAITS TIMES		THE MALAY MAIL		PELBAGAI			
KATEGORI LIPUTAN: POSITIF			NEGATIF	/	NEUTRAL			12	9.10.2024

'Ada yang melepaskan alligator gar ke Sungai Klang'

SHAH ALAM - Terdapat individu yang sengaja melepaskan ikan asing spesies pemusnah, alligator gar ke perairan umum. Pengarah Jabatan Perikanan Selangor, Noraisyah Abu Bakar berkata, baru-baru ini tular di media sosial mengenai penangkapan ikan spesies invasif itu di Sungai Klang dengan berat 16.94 kilogram (kg).

Katanya, pada tahun 2020 juga pernah tular bangkai seekor ikan berkepala buaya itu ditemui di perairan Sabak Bernam.

"Orang ramai digesa melaporkan sebarang aktiviti pelepasan alligator gar ke perairan umum kepada pihak berkuasa."

"Jabatan Perikanan Selangor mengambil serius isu ini dan menyeru kepada semua untuk memastikan perairan umum di negeri ini dipenuhi spesies asli sahaja," katanya kepada *Sinar Harian* pada Selasa.

Noraisyah berkata, alligator gar bukanlah spesies ikan air tawar tempatan dan dipercayai telah diimport dan dilepaskan ke Sungai Klang oleh pembela haiwan eksotik yang tidak bertanggungjawab.

Menurutnya, pada asalnya, ikan itu diperkenalkan di Malaysia sebagai haiwan belaan dalam akuarium, namun dilepaskan ke perairan tempatan apabila ia menjadi terlalu besar untuk dipelihara.

"Alligator gar atau nama saintifiknya *tractosteus spatula*, berasal dari Amerika Utara dan Amerika Tengah (Lembangan Sungai Mississippi dan Sungai Missouri)."

"Purata saiz ikan ini antara 2 hingga 2.5 meter dengan berat purata 90 hingga 110kg. Ikan ini bersifat karnivor dan dietnya terdiri daripada apa sahaja ikan yang boleh dimuatkan ke dalam mulut," ujarnya.



NORAI SYAH

Tambahnya, tindakan melepaskan spesies ikan asing ke dalam habitat yang bukan asal mereka boleh membawa kesan negatif yang besar terhadap keseimbangan ekosistem.

"Alligator gar berpotensi bersaing dengan spesies tempatan dan boleh menyebabkan kepupusan ikan tempatan di perairan tersebut," jelasnya.

Tambah Noraisyah, pihaknya sentiasa bersedia memberi kerjasama dengan pelbagai agensi kerajaan dan badan bukan kerajaan bagi mengawal isu kehadiran ikan asing tersebut.



Ikan alligator gar yang ditangkap pemancing di Sungai Klang, baru-baru ini.



Laporan Sinar Harian pada Selasa.

UTUSAN MALAYSIA	/	KOSMO!		THE STAR		NANYANG SIANG PAU		MUKA SURAT	TARIKH
BERITA HARIAN		SINAR HARIAN		THE SUN		ORIENTAL DAILY			
HARIAN METRO		NEW STRAITS TIMES		THE MALAY MAIL		PELBAGAI			
KATEGORI LIPUTAN: POSITIF		/		NEGATIF		NEUTRAL		34	9.10.2024

Unjam tingkat tangkapan ikan di Port Dickson

PORT DICKSON: Bagi meningkatkan jumlah tangkapan ikan, sebanyak 106 unjam dilabuhkan Jabatan Perikanan Negeri Sembilan di perairan Port Dickson pada tahun ini.

Pengarah Perikanan Negeri Sembilan, Kasim Tawe berkata, langkah tersebut terbukti apabila unjam yang dilabuhkan pada bulan Jun lalu menyaksikan peningkatan ketara jumlah ikan yang ditangkap.

"Pada Jun lalu, 48 unjam dilabuhkan dan peningkatan yang ketara terhadap jumlah hasil pendataran ikan di kawasan unjam kali pertama itu direkodkan pada bulan berkenaan oleh pemancing rekreasi yang mana kita anggar setiap satu unjam boleh menarik sekitar 100 kilogram ikan pada satu-satu masa.

"Ketika itu, pemancing rekreasi dapat menaikkan ikan seperti ikan Sagai seberat tujuh kilogram, ikan Giant Travelly (GT) atau ikan Gerepoh bersaiz tiga hingga empat kilogram dan ikan Tonggiri bersaiz empat kilogram selepas

beberapa jam memancing di kawasan unjam dilabuhkan.

"Kesemua ikan tersebut sukar untuk didaratkan di kawasan berkenaan sebelum ini," katanya pada Program myUnjam 2024 Bersama Komuniti Nelayan Bagan Pinang di Pengkalan Nelayan Bagan Pinang, di sini semalam.

Menurut beliau, sejumlah RM49,800 peruntukan pembangunan digunakan menerusi Program Pengukuhan Keterjaminan Makanan bagi Perolehan Perkakasan dan Peralatan Peranti Pengumpulan Ikan (Unjam).

"Sebanyak 58 unit unjam termasuk lima daripadanya sumbangan syarikat Hengyuan Refining Company Berhad (HRC) dilabuhkan selain sebanyak 5,000 benih ikan merah turut dilepaskan bagi meningkatkan sumber perikanan sedia ada," katanya.

Menurut Kasim, program melabuh unjam dilaksanakan sejak tahun 2020 dalam usaha memperluaskan aktiviti perikanan pantai.



SEBANYAK 60 unit unjam dilabuhkan pada Program myUnjam 2024 Bersama Komuniti Nelayan Bagan Pinang di Pengkalan Nelayan Bagan Pinang, Port Dickson, semalam. - UTUSAN/NOR AINNA HAMZAH

UTUSAN MALAYSIA		KOSMO!		THE STAR		NANYANG SIANG PAU		MUKA SURAT	TARIKH
BERITA HARIAN	/	SINAR HARIAN		THE SUN		ORIENTAL DAILY			
HARIAN METRO		NEW STRAITS TIMES		THE MALAY MAIL		PELBAGAI			
KATEGORI LIPUTAN: POSITIF		/	NEGATIF		NEUTRAL			16	9.10.2024

Baung ekor merah, Aligator Gar disita jabatan perikanan

BH, MS16

Ipoh: Dua ikan baung ekor merah, selain tiga Aligator Gar masing-masing dianggarkan seberat tiga kilogram (kg) antara 49 ikan larangan atau ikan pemangsa (invasif) yang disita Jabatan Perikanan Perak, selepas pemeriksaan premis ternakan ikan hiasan di Kampung Tawas di sini kelmarin.

Pemeriksaan menerusi Operasi Pemutihan dan Kesedaran Ikan Larangan di Premis/Kedai Akuarium Ikan Hiasan di Negeri Perak itu antara lain turut menyita beberapa ikan larangan lain antaranya 42 ikan bongkok (Geophagus), gulper catfish (1) dan flower horn (1) dengan anggaran keseluruhan bernilai RM8,300.

Pemilik premis berusia 40-an mengakui membela ikan predator berkenaan sejak 10 tahun lalu dengan alasan tidak mengetahui peraturan yang ditetapkan dan mereka diberikan amaran agar tidak mengulangnya atau berdepan tindakan mahkamah jika ingkar.

Pengerusi Jawatankuasa

Pembangunan Luar Bandar, Perladangan, Pertanian dan Industri Makanan negeri, Datuk Mohd Zolkafly Harun, berkata program kesedaran dan pemutihan itu yang dijalankan bermula 18 September lalu hingga hari ini, menyasarkan premis atau kedai akuarium ikan hiasan di seluruh negeri.

Sepanjang 2024 sebanyak 24 operasi pemantauan menerusi OPS Darat dibuat Jabatan Perikanan Perak di premis akuarium membabitkan kira-kira 30 premis akuarium di seluruh Perak antaranya di Ipoh, Teluk Intan dan Ayer Tawar.

Katanya, daripada jumlah pemantauan itu, 15 premis diperiksa yang membawa kepada rampasan 154 ikan larangan dengan nilai sitaan berjumlah RM13,000.

Beliau berkata, trend mengimport, memiliki, menjual, menternak dan mempamer ikan hiasan dari spesies, genus, dan keluarga (family) ikan larangan, khususnya di premis atau kedai masih terkawal.



Baung ekor merah seberat 3kg antara 49 ikan larangan disita Jabatan Perikanan Perak di premis ternakan ikan hiasan Kampung Tawas, Ipoh semalam.
(Foto Muhammad Zulsyamini Suffian Suri/BH)

UTUSAN MALAYSIA		KOSMO!		THE STAR		NANYANG SIANG PAU		MUKA SURAT	TARIKH
BERITA HARIAN		SINAR HARIAN		THE SUN		ORIENTAL DAILY			
HARIAN METRO	/	NEW STRAITS TIMES		THE MALAY MAIL		PELBAGAI			
KATEGORI LIPUTAN: POSITIF		/	NEGATIF		NEUTRAL			13	9.10.2024

DOF negeri sita 49 ikan larangan Hm, MS13

Ipoh: Dua ikan baung ekor merah selain tiga ikan Ali-gator Gar masing-masing dianggarkan seberat tiga kilogram (kg) antara 49 ikan larangan atau ikan pemangsa (invasif) yang disita Jabatan Perikanan (DOF) negeri Perak menerusi operasi pemeriksaan ke atas premis ternakan ikan hiasan di Kampung Tawas di sini, semalam.

Sitaan dilakukan hasil pemeriksaan menerusi Operasi Pemutihan dan Kesedaran Ikan Larangan di Premis dan Kedai Akua-rium Ikan Hiasan di negeri ini oleh DOF.

Selain itu, pihak berkua-sa merampas, 42 ikan bongkok (Geophagus), se-ekor ikan gulper catfish dan seekor ikan *flower horn* dengan anggaran keselu-ruhan bernilai RM8,300.

Pemilik berusia 40-an mengaku membela ikan pemangsa itu sejak 10 ta-hun lalu dengan alasan ti-dak mengetahui peraturan ditetapkan.

Pengerusi Jawatankuasa Pembangunan Luar Ban-dar, Perlindungan, Pertani-an dan Industri Makanan

negeri, Datuk Mohd Zol-kafly Harun berkata, prog-ram kesedaran dan pemu-tihan itu yang dijalankan bermula 18 September lalu menyasarkan premis atau kedai akuarium ikan hia-san di seluruh negeri.

Menurutnya, sejak Janu-ari 2024, 24 operasi pe-mantauan menerusi OP Darat dilakukan DOF Per-ak di premis akuarium di Ipoh, Teluk Intan dan Ayer Tawar.

“Hasil pemantauan di-lakukan, 154 ikan larangan dirampas dengan nilai si-taan berjumlah RM13,000.

“Ikan yang disita ditem-patkan di pusat menyela-mat di bawah DOF Perak untuk dilupuskan. Dengan adanya aktiviti penguat-kuasaan berterusan, diha-rapkan lebih ramai orang khususnya dari kalangan kumpulan sasar sedar me-nge-nai ancaman ikan ini kepada ekosistem habitat akuatik negara,” katanya ketika Operasi Pemutihan dan Kesedaran Ikan Lara-ngan di Premis/Kedai Akua-rium Ikan Hiasan di Negeri Perak di Kampung Tawas di sini, semalam.



MOHD Zolkafly (kiri) dan Pengarah Perikanan Negeri Perak, Mohd Ghazali A Manap (kanan) ketika Operasi Pemutihan dan Kesedaran Ikan Larangan di Premis/Kedai Akua-rium Ikan Hiasan sekitar Ipoh.

UTUSAN MALAYSIA		KOSMO!		THE STAR		NANYANG SIANG PAU		MUKA SURAT	TARIKH
BERITA HARIAN		SINAR HARIAN		THE SUN		ORIENTAL DAILY			
HARIAN METRO	/	NEW STRAITS TIMES		THE MALAY MAIL		PELBAGAI			
KATEGORI LIPUTAN: POSITIF		/	NEGATIF		NEUTRAL			18	9.10.2024

Port Dickson penyumbang utama perikanan negeri ^{HM MS 16}

Port Dickson: Port Dickson adalah penyumbang kepada pengeluaran utama perikanan negeri bagi 2023 dengan jumlah tangkapan mencecah 502.6 tan bernilai keseluruhan RM10.42 juta.

Pengarah Perikanan Negeri Sembilan Kasim Tawe berkata, spesies ikan 'demersal' (habitat di dasar laut) seperti sembilang, kerapu dan pari paling banyak di perairan itu, meliputi 259.89 tan metrik berbanding 179.97 tan metrik bagi spesies pelagik (talang, tenggiri, senangin, alu-alu).

Beliau berkata, sejumlah RM49,800 peruntukan pembangunan disalurkan kepada Pejabat Perikanan

negeri bagi memperkasakan sumber perikanan sedia ada menerusi Program Pengukuhan Keterjaminan Makanan bagi Perolehan Perkakasan dan Peralatan Peranti Pengumpulan Ikan (Unjam).

"Ada 480 nelayan Zon A dan 359 kapal berdaftar di daerah ini. Aktiviti menangkap ikan di sini, akan menjadi lebih baik dengan adanya unjam. Unjam adalah peranti pengumpulan digunakan oleh nelayan pantai bagi membantu operasi penangkapan ikan dan perikanan rekreasi," katanya kepada media pada Majlis myUnjam 2024 Bersama Komuniti Nelayan Bagan Pinang, di pantai Bagan Pinang di sini, semalam.